

Qummoroortaatnik toqqortaartarneq pillugu Namminersornerullutik Oqartussat nalunaarutaat nr. 19, 9. december 2004-meersoq

Ikuallannaveersaartitsineq qatserinerlu pillugit Inatsisartut peqqussutaanni nr. 6, 30. oktober 1992-imeersumi § 25, imm. 1 aamma § 26, imm. 2 - 4 naapertorlugit makku aalajangersarneqarput:

Atuuffiit

§ 1. Nalunaarut qummoroortaatnik, naalagaaffiup sinneraniit immikkut akuersissutitaqanngitsumik Kalaallit Nunaannut eqqunneqarsinnaasunik toqqortaartarnermut atuutsinneqarpoq, tak. Inatsiseqarnermut ministereqarfiup qummoroortaatit pillugit nalunaarutaa Kalaallit Nunaannut tungasooq nr. 227, 6. juni 1968-imeersoq.

Nassuiaatit

§ 2. Nalunaarummi matumani qummoroortaatit pineqartut kisimik tassaapput qummooroortaatit aliikkutaralugu atugassiat.

Imm. 2. Nalunaarummi matumani qummoroortaatit aliikkutaralugu atugassiatut pineqartut tassaapput qummoroortaatit aallartinneqarnerminni qaammaallattartut, nipiliortartut pujuliortartulluunniit, imaluunniit taakku kattullugit piginnaaneqartut, aammalu aliikkutassat atorineqarnissaat siunertaralugu sanaajusut. Qummoroortaatit taakku I-itut aamma II-tut suussusiligaapput.

Imm. 3. Nalunaarummi matumani qummoroortaatit I-itut suussusilikkat pineqartut tassaapput qummoroortaatit killilimmik piginnaanillit, akissarsiutigalugu suliaqartunut atugassiatut sanaajungitsut, aammalu atugassanik pisiniarfinniit tuniniarneqarsinnaasut. I-tut suussusilikkani pineqarput: Seqqortaatit (amorces), nusullugit seqqortaatit (amorcesbånd), seqqortartut (knaldperler), imassat seqqortaatit (knaldpropper), seqqortaatit (knallerter), qaartittakkat nerriviup qaanut ilisakkat, nusullugit qaartittakkat nerriviup qaanut ilisakkat, seersartut aamma isfontænit.

Imm. 4. Nalunaarummi matumani qummoroortaatit II-itut suussusilikkat pineqartut tassaapput qummoroortaatit aliikkutaralugu atugassiat, akissarsiutigalugu suliaqartunut atugassiatut sanaajungitsut, aammalu atugassanik pisiniarfinniit tuniniarneqarsinnaasut. Qummoroortaatit II-tut suussusilikkat akuersissutip normuanik immikkut ittumik piligaapput, Sikkerhedsstyrelsen qummoroortaatinut akuerisanut nalunaarsuiffiani takuneqarsinnaasumik.

§ 3. Nalunaarummi matumani amerlassuserititat kg-nngorlugit ilanngateqanngitsumik nalunaarsugaapput.

§ 4. Nalunaarummi matumani tunitsivik pineqartoq tassaavoq nerriviusaq, nerrivik, ungaluusaq

assigisaaluunniit, qummoroortaatnik tuniniaaffiusoq tunniussuiffiusorlu.

Imm. 2. Nalunaarummi matumani containeri pineqartoq tassaavoq assartuinnermut containeri assigisaaluunniit sisaasoq, annerpaamik 20 fodinik angissusilik.

Imm. 3. Nalunaarummi matumani toqqorsivik pineqartoq tassaavoq illu imaluunniit containeri.

Imm. 4. Nalunaarummi matumani sumiiffinnut killiliussat pineqartut tassaapput sumiiffiit illoqarfiup imaluunniit nunaqarfiup killeqarfiisa iluiniittut, aammalu kommunini pilersaarutini atuuttuni A-tut, B-tut, C-tut, D-tut imaluunniit E-tut suussusilerneqarsimasut.

Toqqortaarneq

§ 5. Illuni inissiatut atorneqartuni inissiami ataatsimi qummoroortaatit annerpaamik 5 kg-t uninngatinneqarsinnaapput.

§ 6. Inini qummoroortaatnik amerlasuunngorlugit tuniniaaffiusuni, tunitsivinnik aalajangersimasunik pilersugaasuni imaluunniit pilerneqarallarsimasuni annerpaamik 50 kg-t uninngatinneqarsinnaapput.

§ 7. Inini ininut tunitsiviusunut tulliusuni, tak. imm. 2, qummoroortaatit annerpaamik 100 kg-t toqqortarineqarsinnaapput.

Imm. 2. Init aalajangersakkami matumani taaneqartut tunitsivimmiit avinngarusimassapput, ussissunik matoqassallutik.

§ 8. Illumi, sumiiffimmut killiliussap A-p imaluunniit C-p iluani inissisimasumi qummoroortaatit annerpaamik 150 kg-t toqqortarineqarsinnaapput.

Imm. 2. Sumiiffimmut killiliussap A-p imaluunniit C-p iluani containerinik qummoroortaatnik imalinnik inisseeqqusaanngilaq.

§ 9. Sumiiffimmut killiliussap B-p, D-p imaluunniit E-p iluani qummoroortaatnik illuni imaluunniit containerini toqqortaartoqarsinnaavoq, taamaattorli tak. imm. 2 - 4, piunasaqaatit uku naammassineqarsimappata:

1) toqqortaarfiusut minnerpaamik 10 meterinik akuttussuseqassapput,

2) silami inissiat ikuallajasut minnerpaamik 15 meterinik ungasissuseqassapput, aamma

3) illut inissiatut atorneqartut minnerpaamik 40 meterinik ungasissuseqassapput.

Imm. 2. Containerinik arlalinnik inissiinermi taakku assigiimmik sammivilerlugit matuulu nalleqqatigiisillugit ilineqassapput.

Imm. 3. Containerit kinguleriisillugit inissinneqassanngillat.

Imm. 4. Sumiiffimmut killiliussap B-p, D-p aamma E-p iluani qummoroortaatnik containerinut toqqorsinissaq pitinnagu, akuersissummik kommunalbestyrelsimut piniartoqassaaq.

Pineqaatissiissutinut atuutilerfianullu aalajangersakkat

§ 10. §§ 5-9-mi aalajangersakkanik unioqquitsineq pillaammik akiliitsinermik kinguneqassaaq.

Imm. 2. Unioqquitsinermi aktiaatileqatigiiffik, piginneqatigiiffik assigisaaluunniit unioqquitsisuusimappat, pillaammik akiligassiissut ingerlatseqatigiiffimmut

akiligassanngortinneqarsinnaavoq.

Imm. 3. Unioqqutitsinermi kommuni imaluunniit kommunit suleqatigiiffiat unioqqutitsisuusimappat, kommuni imaluunniit kommunit suleqatigiiffiat pillaammik akiliisussanngortinneqarsinnaavoq.

§ 11. Nalunaarut 17. december 2004-mi atuutilerpoq.

Namminersornerullutik Oqartussat, ulloq 9. december 2004

Jens NapātôK

/

Dorthe Johannsen